



玉函山房輯佚書

世川

1236
33



16
22

門
1236
卷
33



春秋大傳一卷撰人缺漢隋唐志均不著目其書亦
佚唯史記三王世家褚少孫補傳引一節余知古渚
宮舊事引一節褚在宣元之世已引其說則此書爲
漢初經師所撰漢藝文志春秋二十二家左氏公羊
穀梁三傳外有鄒氏傳十一卷夾氏傳十一卷虞氏
微傳二篇公羊外傳五十篇穀梁外傳二十篇五家
皆以傳稱大傳當在其內爾歷城馬國翰竹吾甫

奉之也

史記三王世家褚少孫補王夫人傳引春秋大傳胡三省通鑑音注卷三十八亦

引皆不著經句余蕭客古經解鈎沉取屬此經今依之

昭公

七年

公如楚

賜以大屈之弓

余知古渚宮舊事卷三

史記魯世家集解引服虔曰大屈寶金可以為劍

一曰大屈弓名魯連書曰楚子享魯侯於章臺與

之大曲之弓既而悔之大屈殆所謂大曲之弓按服

虔引一曰大屈弓名亦隱用春秋大傳說

春秋決事一卷漢董仲舒撰仲舒廣川人官至膠西
相事蹟具漢書本傳董氏傳春秋公羊學既撰繁露
悉究天人之奧復爲此書引經斷獄當代取式焉漢
志公羊董仲舒治獄十六篇隋志春秋決事十卷董
仲舒撰皆入春秋家唐志董仲舒春秋決獄十卷董
氏正移入法家案應劭說亦稱決獄崇文總目作春
秋決事比十卷今佚從禮記正義通典白帖藝文類
聚御覽等書輯得八節仍依漢隋志入春秋類其論
衡情準理頗持其平妻甲見夫乙毆母而殺乙比於

不勝其忿自告縣官仲舒斷之曰甲生乙不能長育以乞丙於義已絕矣雖杖甲不應坐同上

妻甲夫乙毆母甲見乙毆母而殺乙公羊說甲為姑

討夫猶武王為天誅紂

禮記檀弓孔穎達正義引公羊說案其文義亦決事之文

君獵得麇使大夫持以歸大夫道見其母隨而鳴感

而縱之君愠議罪未定君病恐死欲託孤幼乃覺之

大夫其仁乎遇麇以恩况人乎乃釋之以為子傳於

議何如仲舒曰君子不麇不卵大夫不諫使持歸非

義也然而中感母恩雖廢君命徙之可也

白居易六帖卷二十

六

甲為武庫卒盜强弩弦一時與弩異處當何罪論曰

兵所居比司馬闌人者髡重武備責精兵也弩葉機

郭弦軸異處盜之不至盜武庫兵陳論曰大車無輓

小車無軌何以行之甲盜武庫兵當棄市乎曰雖與

弩異處不得弦不可謂弩矢射不中與無矢同不入與

無鏃同律曰此邊鄙所賊直百錢者當坐棄市

六帖卷九

一十

甲父乙與丙爭言相鬪丙以佩刀刺乙甲即以杖擊

丙丙誤傷乙甲當何論或曰毆父也當梟首論曰臣愚以為父子至親也聞其鬪莫不有怵悵之心扶杖而救之非所以欲詬父也春秋之義許止父病進藥於其父而卒君子原心赦而不誅甲非律所謂毆父不當坐太平御覽卷六百四十

甲夫乙將船會海風盛船沒溺流死亡不得葬四月甲母丙即嫁甲欲皆何論或曰甲夫死未葬法無許嫁以私為人妻當棄市議曰臣愚以為春秋之義言夫人歸於齊言夫死無男有更嫁之道也婦人無專

制擅恣之行聽從為順嫁之者歸也甲又尊者所嫁無淫衍之心非私為人妻也明於決事者皆無罪名

不當坐同上

武帝外事夷狄而民去本董仲舒說上曰春秋他穀不書至於麥禾不成則書之以此見聖人五穀最重粟麥歐陽詢藝文類聚卷八十五引漢書閻若璩困學紀聞箋以此條當決獄佚文據錄

--	--	--	--	--	--

公羊嚴氏春秋一卷漢嚴彭祖撰彭祖字公子東海
 下邳人與顏安樂俱事眭孟傳公羊春秋之學官至
 太子太傅事蹟見漢書儒林傳隋志春秋公羊傳十
 二卷嚴彭祖撰唐志五卷嚴彭祖述又春秋圖七卷
 今並佚孔穎達春秋正義徐彥公羊疏各引一節杜
 佑通典兼引馮君嚴氏春秋章句合輯並附錄本傳
 為卷諸引者稱嚴氏春秋據標題焉案嚴顏並以公
 羊教授顏有冷任筦冥之學而嚴氏流派史未述詳
 見於傳者山陽丁恭子然北海周澤穉都汝陽鍾典

公羊嚴氏春秋序

一 椰環館補校

次文北海甄宇長文陳留樓望次子豫章陳曾秀升
南陽樊儵長魚蜀郡張霸伯饒張楷公超潁川李修
九江夏勤又侍郎申輓伊推宋顯許廣皆同嚴氏大
議殿中者大抵皆為嚴氏學者又下邳嚴訢少通治
嚴氏春秋馮君章句見洪适隸釋云歷城馬國翰竹
吾甫

公羊嚴氏春秋

漢 嚴彭祖 撰

春秋公羊經

孔子將修春秋與左丘明乘如周觀書於周史歸
而修春秋之經丘明為之傳共為表裏

義引嚴氏春秋

僖公

二十有四年

冬天王出居于鄭傳王者無外此其言出何不能乎

母也魯子曰是王也不能乎母者其諸此之謂與

周王為天囚

何休公羊傳序云以無為有徐彥疏公羊說及莊顏之徒以周王為天囚故曰以無為有也

文公

二年

作僖公主傳作僖公主者何為僖公作主也主者曷用虞主用桑練主用栗用栗者藏主也

主藏太廟室西壁中以備火災

杜佑通典卷四十八引公羊說不引

馮君章句馮君治嚴氏學定為嚴說

馮君章句附

正廟之主各藏太室西壁之中遷廟之主

於太祖太室北壁之中

通典引公羊說云云下接或問高堂隆曰昔馮君八

萬言章句說洪适隸釋卷二十四漢嚴訢碑政和中出於下邳云訢字句兩漢傳春秋嚴氏學文也趙明誠金石錄

無姓馮者蓋史之闕卷十四亦引此條

附錄

春秋之義父不祭於支庶之宅君不祭於臣僕之

家王不祭於下士諸侯

漢書韋元成傳引嚴彭祖尹更始等議不知於經傳

當屬何篇姑附於後

附錄

嚴彭祖字公子東海下邳人也與顏安樂俱事陸孟孟弟子百餘人唯彭祖安樂爲明質問疑誼各持所見孟曰春秋之意在二子矣孟死彭祖安樂各顯門教授由是春秋有顏嚴之學彭祖爲宣帝博士至河南東郡太守以高第入爲左馮翊遷太子太傅廉直不事權貴或說曰天時不勝人事君以不修小禮曲意亡貴人左右之助經誼雖高不至宰相願少自勉強彭祖曰凡通經術固當修行先王之道何可委曲

從俗苟求富貴乎彭祖竟以太傅官終授琅邪王中
 爲元帝少府家世傳業中授同郡公孫文東門雲爲
 荊州刺史文東平太傅徒衆尤盛雲坐爲江賊拜辱
 命下獄誅

漢書儒林傳

春秋公羊顏氏記一卷漢顏安樂撰安樂字公孫魯
 國薛人官至齊郡太守丞漢書儒林有傳傳稱安樂
 事睦孟授淮南令豐次君淄川任公由是顏家冷任
 之學又稱琅邪筦路泰山冥都皆事安樂顏氏復有
 筦冥之學路授孫寶豐授馬宮左咸六藝論又言安
 樂弟子有陰豐劉向王彥一時學徒衆盛與嚴彭祖
 齊名而過之漢志公羊顏氏記十一篇隋唐志不著
 錄佚已久從徐彥疏及洪适隸續載石經公羊哀輯
 七節附錄本傳爲卷何休序謂說者疑惑至有倍經

任意反傳違戾者又言時加釀嘲辭自是指斥世之俗儒而徐疏引顏氏以實之反復辨難不遺餘力至其精理醇義皆湮沒而不稱述良堪喟也歷城馬國翰竹吾甫

春秋公羊顏氏記

漢 顏安樂 撰

隱公

元年

春王正月

魯十二公國史盡書即位仲尼修之乃有所不書

春秋左傳孔穎達正義引顏氏

所見異辭所聞異辭

從襄二十一年之後孔子生訖即為所見之世何

公羊傳序徐彥疏引顏安樂

襄公二十三年邾婁鼻我來奔傳

云邾婁無大夫此何以書以近書也又昭公二十

七年邾婁快來奔傳云邾婁無大夫此何以書以

近書也二文不異同宜一世若分兩屬理似不便

又孔子在襄二十一年生從生以後理不得謂之

所聞也

疏引顏氏

九年

庚辰大雨雪傳何以書記異也何異爾俶甚也

世人云雨雪其霧臣助君虐

序疏引顏安樂等

桓公

二年

所見異辭所聞異

下缺○洪适隸續卷四石經公羊殘碑載顏氏

僖公

二十有四年

冬天王出居于鄭傳王者無外此其言出何不能乎

母也魯子曰是王也不能乎母者其諸此之謂與

周王爲天囚

傳序疏公羊說及莊顏之徒

三十年

言君出則已入

下缺 石經殘碑公羊 載顏氏君上有言字

襄公

十有二年

邑不言圍此其言圍何伐而言圍者取邑之辭也

案

本此下有伐而不言圍二句石經公羊殘碑載顏氏無伐而不圍者非取邑之辭也

附錄

顏安樂字公孫魯國薛人睦孟姊子也家貧為學精力官至齊郡太守丞後為仇家所殺安樂授淮陽治豐次君淄川任公公為少府豐淄川太守由是顏家有冷任之學始貢禹事嬴公成於睦孟至御史大夫疏廣事孟卿至太子太傅皆自有傳廣授琅邪筦路路為御史中丞禹授潁川堂溪惠惠授泰山冥都都為丞相史都與路又事顏安樂故顏氏復有筦冥之學路授孫寶為大司農自有傳豐授馬宮琅邪左咸

為郡守九卿徒眾尤盛官至大司徒自有傳

漢書儒林傳

治公羊者胡毋生董仲舒董仲舒弟子嬴公嬴公弟

子眭孟眭孟弟子莊彭祖及顏安樂安樂弟子陰豐

劉向王彥

鄭元六藝論

春秋穀梁傳章句漢尹更始撰更始字君翁汝南人
 由議郎官至諫大夫長樂戶將事具漢書儒林傳傳
 稱更始從蔡千秋受穀梁又受左氏傳取其變理合
 者以為章句傳子咸及翟方進琅邪房鳳隋志梁有
 春秋穀梁傳十五卷漢諫議大夫尹更始撰亡新唐
 書志題同隋志云尹更始注舊唐志題穀梁章句十
 五卷今佚楊士勛疏引一節禮記正義周禮疏文選
 注各引一節又注疏引穀梁說五節舊說五節大戴
 禮注引春秋穀梁說一節案漢儒傳穀梁學者惟尹

及劉向有書劉書隋唐志不載范注於劉佚說皆明
標劉向隕石干宋五注引劉說疏引舊說云與劉向
合明非劉氏說矣且尹在漢為穀梁博士名在周慶
丁姓之上又獨有著書則凡引穀梁說及舊說者皆
尹氏章句無疑也並據合輯漢穀梁學自榮廣皓星
公開之尹得其宗鳴於當代存此殘佚少而彌珍已
歷城馬國翰竹吾甫

春秋穀梁傳章句

漢 尹更始 撰

隱公

珠玉曰含

大夫當五諸侯當七天子當九

楊士助疏引舊說

寰內諸侯

天子以千里為寰

文選左太沖魏都賦李善注

九年

俠卒傳俠者所俠也

所者俠之氏楊疏

莊公

二十有九年

秋有蜚

蜚南方臭惡之氣所生也象君臣淫泆有臭惡之

行集解引穀梁說

僖公

四年

昭王南征不反我將問諸江

漢濱之人以膠膠舩舩攘昭王溺焉楊疏引舊說皆云

十有六年春王正月戊申隕石于宋五

隕石于宋五象宋公德劣國小陰類也而欲行霸

道是陰而欲陽行也其隕將拘執之象也楊疏引許慎異

義穀梁說云與劉向合

二十有九年

秋大雨雹

雹者陰脅陽之象霰者陽脅陰之象也大戴禮記盧辯注引

春秋穀梁說

文公

二年

八月丁卯大事于大廟躋僖公主傳大事者何大是事也著禘嘗禘祭者毀廟之主陳于大祖未毀廟之主皆升合祭于大祖躋升也先親而後祖也逆祀之僖公閔公庶兄故文公升僖公之主於閔公之上耳僖公雖長已為臣矣閔公雖小已為君矣臣不可以先君猶子不可以先父故以昭穆父祖為喻

集解引
舊說

三年

夏五月王子虎卒傳叔服也此不卒者也何以卒之以其來會葬我卒之也

魯王此為會葬事異故重發之
楊疏引
尹氏

九年

九月癸酉地震傳震動也地不震者也震故謹而日之

大臣盛將動有所變
集解引
穀梁說

十有二年

男子二十而冠冠而列丈夫三十而娶女子十五而許嫁二十而嫁

男三十而娶女十五許嫁笄二十而嫁周禮地官媒氏賈公

彥疏

宣公

九年

辛酉晉侯黑臀卒于扈傳其地于外也其日未踰竟也

踰竟亦不日集解引舊說

成公

五年

梁山崩

山者陽位君之象也象君權壞集解引許慎案即五經異義所引

穀梁說也

六年

二月辛巳立武宮

武公之宮廟毀已久矣故傳曰不宜立也集解引舊說

十有六年春王正月雨木冰

雨木冰者者木介甲冑兵之象

集解引穀梁傳案傳下脫說字

三十一卷六十

哀公

十有四年

西狩獲麟

吉凶不並瑞災不兼今麟為周亡天下之異則不

得為瑞以應孔子至玄之間也

禮記禮運孔穎達正義引許慎謹案

公議即尹更始待詔劉更生等議石渠據補

春秋穀梁傳說一卷漢劉向撰向有洪範五行傳記
已著錄漢儒林傳云劉向以故諫大夫通達待詔受
穀梁不言撰作隋唐志皆不著錄惟晉書五行志引
劉向春秋說范注楊疏亦並引劉向則劉氏實有書
矣蒐輯一十六節其說多明災異與所記洪範五行
相表裏云歷城馬國翰竹吾甫

春秋穀梁傳說

漢 劉向 撰

隱公

九年

三月癸酉大雨震電傳震雷也電霆也

庚辰大雨雪傳志疏數也八日之間再有大變陰陽錯行故謹而日之也

雷未可以出電未可以見雷電既以出見則雪不當復降皆失節也雷電陽也兩雪陰也雷出非其

六世孫傳說

一 娜嬛館補校

時者是陽不能閉陰陰氣縱逸而將為害也范甯集解

引劉

莊公

七年

夏四月辛卯恒星不見夜中星隕如雨

天戒若曰勿使大夫世官將令專事暝晦公室卑

矣晉書五行志引隕者象諸侯隕墜失其所也又

中夜而隕者象不終其性命中道而落集解引

二十有八年

大無麥禾

水旱當書不書水旱而曰大無麥禾者土氣不養

稼穡不成晉書五行志引劉向說

僖公

八年

秋七月禘于太廟用致夫人

夫人成風也致之于太廟立之以為夫人集解引劉向

十有四年

秋八月辛卯沙鹿崩傳林屬於山為鹿沙山名也無

春秋左傳句解

二 鄭煥館補校

崩道而崩故志之也其日重其變也

鹿在山下平地臣象陰位也崩者散落背叛不事

上之象

同上

十有六年春王正月戊申隕石于宋五

石陰類也五陽數也象陰而陽行將致隊落

集解引劉

向

是月六鷁退飛過宋都

鷁陽也六陰數也象陽而陰行必衰退

同上

文公

十有四年

秋七月有星孛入于北斗傳孛字之為言猶彗也其曰

入北斗斗有環域也

北斗貴星人君之象也彗星亂臣之類言邪亂之

臣將竝弑其君

集解引劉向

宣公

三年春王正月郊牛之口傷改卜牛牛死乃不郊

宣公區霽昏亂故天不饗其祀

晉書五行志引劉向說

成公

春秋左傳句解

三 娜嬛館補校

十有六年春王正月雨木冰

冰者陰之盛木者少陽卿大夫之象此是人將有害則陰氣脅木木先寒得雨而冰也是時叔孫僑如出奔公子偃誅死

楊士勛疏引劉向

昭公

十有七年

冬有星孛于大辰傳一有一亡曰有于大辰者濫于大辰也

大辰者大火也不曰孛于大火而曰大辰者謂濫

于蒼龍之體不獨加大火

集解引劉向

十有八年

夏五月壬午宋衛陳鄭災

宋陳王者之後衛鄭周之同姓時景王在劉子單子事王猛召氏尹氏立王子朝朝楚之出也及宋衛陳鄭皆外附於楚無尊周室之心後三年崩王室亂故天災四國若曰不救反從楚廢世子言不正以害王室明以同辜

楊疏引劉向

二十有五年

春秋穀梁傳說

四 鄉嬛館補校

有鸛鵒來巢傳一有一亡曰有來者來中國也鸛鵒
穴者而曰巢或曰增之

去穴而巢此陰居陽位臣逐君之象也集解引
劉向

定公

二年

夏五月壬辰雉門及兩觀災

雉門天子之門而今過魯制故致天災也楊疏引
劉向

哀公

四年

六月辛丑亳社災

災亳社戒人君縱恣不能警戒之象集解引
劉向

哀公

十有四年

西狩獲麟

吉凶不並瑞災不兼今麟為周亡天下之異則不

得為瑞以應孔子至立之間也禮記禮運孔穎達
正義引尹更始劉

更生等議
石渠據補

春秋左氏傳章句一卷漢劉歆撰歆有洪範五行傳已著錄漢書本傳云及歆校秘書見古文春秋左氏傳歆大好之時丞相史尹咸以能治左氏與歆共校經傳歆略從咸及丞相翟方進受質問大義初左氏傳多古文古言學者傳訓故而已及歆治左氏引傳文以解經轉相發明由是章句義理備焉杜預集解序云劉子駿創通大義然則左氏之有章句自歆始也隋唐志皆不著錄佚已久從正義釋文輯二十節其說多與賈逵潁容許淑並引則三家皆祖述劉氏

者也歷城馬國翰竹吾甫

春秋左氏傳章句

三十一卷六十七

春秋左氏傳章句

漢 劉歆 撰

隱公

元年

不書即位攝也

恩深不忍則傳言不稱恩淺可忍則傳言不書孔穎

達正義引
劉賈穎

四年

夏公及宋公遇于清

春秋左氏傳章句

一 婦嬖館補校

遇者用冬遇之禮正義引

桓公

三年

有年

有年大有年有鸛鶴來巢諸言有皆不宜有之辭

也正義引

劉賈許

十有七年

癸巳葬蔡桓侯

桓卒而季歸無臣子之辭也蔡侯無子以弟承位

羣臣無廢主社稷不乏祀故傳稱蔡人嘉之非貶

所也杞伯稱子傳為三發蔡侯有貶傳亦宜說史

書謬誤疑有闕文同上

莊公

二年

秋紀季以鄫入于齊

紀季以鄫奔齊不言叛不能專鄫也正義引

劉賈

九年

九月齊人取子糾殺之

春秋左氏傳卷五

二 嬖嬖館補校

稱子者愍之

正義引賈逵云劉與賈同

二十有九年

新延廡

言新有故木言作有新木延廡不書作所用之木

非公命也

正義引劉賈

三十年

齊人降鄆

依二傳以鄆紀之遺邑

同上 羅泌路史國名紀甲引劉歆

閔公

二年

吉禘于莊公

逸禮云皆升合於其祖

禮記王制正義引云劉歆賈逵鄭眾馬融皆以為然

僖公

二十有六年

凡師能左右之曰以

晉人執季孫以歸劉子單子以王猛居于皇尹氏

毛伯以王子朝奔楚諸稱以皆小以大下以上非

其宜也

正義引劉賈穎許

春秋左氏傳卷五

三姬嬖館補校

文公

十有八年

莒弑其君庶其

君惡及國朝則稱國以弑惡及國人則稱人以弑

正義引劉
賈許穎

宣公

七年

凡師出與謀曰及

以經諸及字為義正義引劉
賈許穎

十有五年

冬蝻生

蝻蚘蚘子也陸德明
釋文蚘蚘有翅者正義

成公

十有七年

九月辛丑用郊

諸言用皆不宜用反於禮者也正義引
劉賈

襄公

二十有一年

春秋左傳卷之七十一

四鄰嬖館補校

雖賤必書

春秋之序三命以上乃書於經

正義又昭十二年正義並引劉賈

二十有六年

書曰入于戚以叛罪孫氏也

三叛人以地來奔不書叛謂不能專也此直外內

之辭

正義引劉賈

昭公

八年

秋蒐于紅

蒐于紅不言大者言公大失權在三家也

正義引劉賈

十有一年

大蒐于比蒲

書大者言大眾盡在三家

同上

定公

八年

盜竊寶玉大弓

夏后氏之璜封父之繁弱王所以分魯者也

正義引劉

歆以來說左氏者

春秋牒例章句

後漢 鄭眾 撰

隱公

是以隱公立而奉之

隱公攝立為君奉桓為太子孔穎達正義

八年

先配而後祖鍼子曰是不為夫婦誣祖矣

配為同牢食也先食而後祭祖無敬神之心故曰

誣其祖也同上

桓公

二年

三月公會齊侯陳侯鄭伯于稷以成宋亂

成宋亂成就宋亂

正義引鄭衆服虔

六年

不以畜牲

六畜馬牛羊豕犬雞

同上

閔公

二年

吉禘于莊公

逸禮云皆升合於其祖

禮記王制正義引云劉歆賈逵鄭衆馬融皆以為然

僖公

五年

凡分至啓閉必書雲物

以二至二分觀雲色青為蟲白為喪赤為兵荒黑

為水黃為豐

正義

二十有四年

昔周公弔二叔之不咸故封建親戚以蕃屏周

二叔為管叔蔡叔傷其不和睦而流言作亂故封

建親戚

正義引鄭眾賈逵詩小雅常棣正義云鄭眾賈逵以二叔為管蔡

文公

十有一年

皇父之二子死焉

穀甥牛父二人死耳皇父不死正義

宣公

二年

見叔牂曰子之馬然也對曰非馬也其人也遂來奔

叔牂即羊斟也在先得歸華元見叔牂牂即誣之

曰奔入鄭軍者子之馬然也非我也華元對曰非

馬也其人也言是女驅之耳叔牂既與合語而即

來奔魯正義

襄公

四年

魯於是乎始鬻

泉鬻與髮相半結之正義

九年

遇艮之八

先代之易

正義引賈鄭

連山歸藏二易皆以七八為占

故言遇艮之八

杜預集解正義云賈鄭先儒相傳云耳

吾三分四軍

分四軍為三部

正義

二十有五年

數疆潦

疆界內有水材者

井衍沃

下平曰衍有漑曰沃

二十有六年

若塞井夷竈成陳以當之

此范句所言苗賁皇亦言之故聲子引以為喻並同

上

樂范易行以誘之

易讀為變易之易

正義

易行中軍與上下軍易卒伍

也中軍之卒良故易之

國語韋昭注正義引云易行中軍與下軍易卒伍也

釁於勇

釁動也

正義云賈鄭先儒皆以釁為動也

二十有九年

為之歌頌

孔子自衛反魯然後樂正雅頌各得其所自衛反魯在哀公十一年當此時雅頌未定而云為歌大雅頌者傳家據已定錄之言季札之於樂與聖

人同

周禮春官大師賈公彥疏

昭公

二年

吾乃今知周公之德與周之所以王也

卦下之象辭文王所作爻下之象辭周公所作

正義

引鄭衆

賈逵 易有箕子之明夷東鄰西牛皆以為易之

爻辭周公所作

春秋序正義引鄭賈

五年

享頌有璋

享獻

釋文

朝聘之禮使執玉以授主國之君乃行享

禮獻國之所有頌見也謂行享禮以見主國之君

也正義

八年

自幕至于瞽瞍無違命

幕舜之先也

史記陳世家集解

九年

辰在子卯謂之疾日

五行子卯自刑

禮記檀弓正義

十年

請斷三尺焉而用之

斷三尺使至於較大夫旗至較

周禮考工記輿人疏

十有一年 鄭莊公城櫟而寘子元焉使昭不立

子元即檀伯也厲公殺檀伯居櫟因櫟之眾偪弱

昭公使至殺死

正義

臣聞五大不在邊五細不在庭

太子晉申生居曲沃是也母弟鄭共叔段居京是

也貴寵公子若棄疾在蔡是也貴寵公孫若無知

食渠邱是也累世正卿衛甯殖居蒲孫氏居戚是

春秋列章句

六 嬖嬖館補校

也五細賤妨貴少陵長遠間親新聞舊小加大也

不在庭不當使居朝廷為政也正義

齊渠邱實殺無知

渠邱無知之邑同上

十有三年

子產爭承

爭所當奉承貢賦之輕重同上

鄭伯男也

鄭伯爵在男服也正義引鄭衆服虔王城在畿內之諸侯

雖爵為侯伯周之舊俗音食子男之地故云鄭伯

男也詩鄭譜正義引先鄭

十有四年

任良物官

物官相其才之所宜而官之正義

十有八年

巡羣屏攝

攝攝束茅以為屏蔽祭神之處草易然故巡行之

周禮春官宗伯疏正義引首句

二十年

賓將趣今本作賓將擬周禮夏官掌固杜子春鄭司農引春秋傳並作趣

琴張聞宗魯死

子張即顓孫師正義引賈逵鄭眾

二十有二年

王弗應

壽卒王命猛代之後欲廢猛立朝耳正義

二十有三年

使各居一館

使叔孫子服回各居一館邾魯大夫本不同館無為復言使各居一館也欲分別叔孫子服回不得相見各聽其辭耳同上

二十有五年

有鸛鶴來巢書所無也

周禮曰鸛鶴不踰濟今踰宜穴而又巢故曰書所

無也周禮考工記疏

季氏介其雞

介甲也為雞著甲正義儀禮少牢饋食禮吳曾能改齋漫錄卷四

定公

四年

大路少帛精蒺旃旌大呂

精蒺旃名也

史記衛世家集解

八年

魯於是始尚羔

天子之卿執羔大夫執鴈諸侯之卿當天子之大夫故傳曰唯卿為大夫當執鴈而執羔僭天子之禮也魯人效之而始尚羔記禮所從壞

正義

十有四年

使死士

欲以死報恩者

史記吳世家集解

哀公

七年

眾君子立於社宮

社宮中有室屋者

史記曹世家集解

十有五年

弗及不踐其難

是時輒以出不及事不當踐其難子羔言不及以

為子路欲死國也史記衛世家集解

十有七年

如魚竄尾衡流而方羊

魚勞則尾赤方羊遊戲喻衛侯淫縱正義詩名南汝墳正義

引云魚肥則尾赤以喻蒯躄淫縱

玉函山房輯佚書目

卷三十二

經編春秋類

春秋左氏傳解詁二卷後漢賈逵

春秋左氏傳解詁二卷後漢賈逵撰逵既奉詔作春
 秋左氏長經章句書奏帝嘉之賜布五百疋衣一襲
 令逵自選公羊嚴顏諸生高才者二十人教以左氏
 與簡紙經傳各一通此解詁之所由作也本傳云尤
 明左氏傳國語爲之解詁五十一篇章懷太子注左
 氏三十篇國語二十一章也隋唐志並三十卷其書
 散佚宋王應麟輯古文春秋左傳十二卷中載賈逵
 佚說而疎漏者尚三之一茲更補綴合舊輯爲二卷
 正義病其雜取公羊穀梁以釋左氏謂之以冠雙履

隱立桓為太子奉以為君正義

元年

公及邾儀父盟于蔑

儀父嘉隱公有至孝謙讓之義而與結好故貴而

字之善其慕賢說讓正義引 賈服

不書即位

四公皆實即位孔子修經乃有不書正義引舊說 賈服之徒

恩深不忍則傳言不稱恩淺可忍則傳言不書正義

引劉 賈穎

未王命故不書爵

北杏之會時已得王命正義

初鄭武公娶于申

凡言初者隔其年後有禍福將終之乃言初也同上

及共叔段

共為諡正義引 賈服

請京

京鄭都邑史記鄭世家 裴駰集解

都城過百雉國之害也大都不過參國之一中五之

一小九之一

雉長三丈百雉五百步大都參之一則鄭是伯爵

城有千五百步為五里是公七里侯伯五里子男

三里矣

周禮春官典命疏引賈服村君等義正義引首句云賈達馬融王肅

大叔出奔共

共國名也

史記鄭世家集解

遂寘姜氏于城穎

鄭地

為穎谷封人

穎谷鄭地

並同上

改葬惠公公弗臨

改葬改備禮也葬嗣君之事公不臨言無恩禮曰

改葬細也

太平御覽卷五百五十三

葬故有闕

言是以禮闕故

同上

公不與小斂故不書日

不與大斂則不書卒

正義

二年

無駭帥師入極

極戎邑也同上

三年

鄭武公莊公為平王卿士

卿士之有事者六卿也太平御覽卷四百八十

王子狐為質于鄭鄭公子忽為質于周

王子狐周平王之子鄭公子忽鄭莊公太子忽也

取溫之麥

溫周地也蘇氏邑也並同上

石碯

石碯為上卿史記衛世家集解

四年

衛州吁弑其君完

弑君取國故以國言之正義

衛人使右宰醜蒞殺州吁于濮

濮陳地史記衛世家司馬貞索隱

衛人送公子晉于邢

邢周公之胤姬姓國史記衛世家集解

五年

公將如棠觀魚者

棠魯地陳漁而觀之

史記魯世家集解

六年

宋人取長葛

長葛不繫鄭刺不能撫有其邑也

正義引賈服

八年

先配而後祖鉞子曰是不為夫婦誣其祖矣

配為成夫婦也禮齊而未配三月廟見然後配正義

大夫以上無問舅姑在否皆三月見祖廟之後乃

始成昏故譏鄭公子忽先為配匹乃見祖廟禮記

問正義引賈服之義

十有一年

周之宗盟

宗為尊正義宗盟首

羅必路父卷八

而禱於其主鍾巫

鍾巫祭名也

史記魯世家集解

桓公

元年

蔡侯鄭伯會于鄧

以鄧為國言蔡鄭會于鄧之國都

正義引賈服

二年

宋督弒其君與夷及其大夫孔父

督有無君之心故去氏

隱四年正義

宋殤公立十年十一戰

一戰伐鄭圍其東門二戰取其禾三戰取邾田四戰邾鄭伐宋入其郛五戰伐鄭圍長葛六戰鄭以

王命伐宋七戰魯敗宋師于菅八戰宋衛入鄭九

戰伐戴十戰鄭入宋十一戰鄭伯以號師大敗宋

史記宋世家集解

是以清廟茅屋

肅然清靜謂之清廟

詩魯頌清廟正義

鞶厲游纓

鞶紳也一名大帶厲大帶之垂者

正義云賈服等說鞶厲皆與社

同據注補

師服曰

晉大夫史記晉世家集解

哀侯侵涇庭之田

涇庭翼南鄙邑名同上

三年

春正月

不書王弑君易祔田成宋亂無王也元年治桓二年治督十年正曹伯十八年終始治桓正義有年

桓惡而有年豐異之也言有非其所宜有同上

韓萬御戎

韓萬曲沃桓叔之子莊伯之弟史記晉世家集解

五年

周公黑肩

莊王弟子儀也史記周本紀集解

旜動而鼓

旜發石一曰飛石范蠡兵法曰飛石重十二斤為

機發行二百步漢書甘延傳注正義引說文云與賈同

秋大雩

言大別山川之雩蓋以諸侯雩山川魯得雩上帝

故稱大正義 穀梁傳楊士勛疏 引首句大有雩者二字雩遠正義引 賈服

始殺而嘗

始殺孟秋正義引 賈服

六年

大閱

簡車馬於廟也公羊傳 徐彥疏

楚武王侵隨

隨姬姓也史記楚世家 家集解

嘉粟旨酒

穀之初熟爲粟詩大雅生 民正義

子同生

不稱太子者書始生禮記曾子問 正義引賈杜

公問名於申繻

申繻魯大夫史記魯世家 家集解

十有一年

宋雍氏女於鄭莊公曰雍姑

雍氏黃帝之孫姑姓之後爲宋大夫史記鄭世家 家集解

十有五年

使其壻雍糾殺之

雍糾鄭大夫同上

十有七年

秋八月蔡季自陳歸于蔡癸已葬蔡桓侯

桓卒而季歸無臣子之辭也正義引劉賈許

十有八年

周公欲弑莊王而立王子克辛伯告王

王子克莊王弟子儀也辛伯周大夫也史記周本紀集解

莊公

元年

夫人孫于齊

桓公之薨至是年三月期而小祥公憂思少殺念

及于母以其罪重不可以反之故書孫于齊耳詩齊

風南山正義引何休賈逵服虔

三年

紀季以鄫入于齊

紀季以鄫奔齊不言叛不能專鄫也正義引劉賈

冬公次于滑

善次

正義杜氏釋例

四年

楚武王荆尸

秦始皇父諱楚而改爲荊州亦以其居荆門故因

諱而改之

詩小雅漸漸之石正義

八年

師次于郎以俟陳人蔡人

陳蔡欲伐魯故待之

正義引賈逵及說穀梁者

齊侯使連稱管至父戍葵邱

連稱管至父皆齊大夫

史記齊世家集解

齊侯游于姑棼

齊地

初公孫無知虐於雍廩

雍廩渠邱大夫也

並同上

九年

納子糾

不言公子次正也

正義

齊小白入于齊

齊大夫來迎子糾公不亟遣而盟以要之齊人歸

迎小白正義引賈服

齊人取子糾殺之

稱子者愍之正義

乃殺子糾于生竇

魯地句瀆也史記齊世家集解索隱引賈逵說云魯地句竇生竇史記作笙瀆索隱

同

及堂阜而脫之

堂阜魯北境史記齊世家集解

管夷吾治於高侯

齊正卿高敬仲也同上

十有一年

公使弔焉

問凶曰弔史記宋世家集解

射南宮長萬

南宮氏萬名宋卿

十有二年

齊水三毛得年古

卷上

十一 鄭媛館補校

秋宋萬弑閔公于蒙澤

蒙澤宋澤名也並同上 宋萬未賜族隱四年正義

二十年

樂及徧舞

徧舞皆舞六代之樂也史記周本紀集解

鄭伯聞之見虢叔

鄭厲公突虢公林父也同上

二十有二年

肆大眚

文姜為有罪故赦而後葬以說臣子也魯大赦國中罪過欲令文姜之過因是得除以葬文姜正義

羈旅之臣

羈寄旅客也史記陳世家集解

使為工正

掌百工史記齊世家集解

莫之與京

京大也史記陳世家集解

遇觀之否

坤下巽上觀坤下乾上否觀爻在文四變而之否

同上 正義曰賈服並皆用焉 朱震漢上易叢說

二十有三年

士薦

士薦晉大夫 史記晉世家集解

二十有四年

大夫宗婦覲用幣

宗婦同姓大夫之婦 詩小雅常棣正義引賈杜 國逆例 桓八年成十八

年正義並引

赤歸于曹

羈是曹君赤是戎之外孫故戎侵曹逐羈而立赤

正義

二十有五年

乃城聚而處之

聚晉邑 史記晉世家集解

二十有九年

新延廡

言新有故木言作有新木延廡不書作所用之木

春秋左氏傳解詁 卷上

三 鄒媛館補校

非公命也正義引劉賈

城諸及防

言及先後之辭正義

三十年

齊人降鄆

依二傳鄆紀之遺邑正義引劉賈

三十有二年

城小穀

不繫齊者世其祿正義

公築臺臨黨氏

黨氏魯大夫任姓史記魯世家集解

見孟任

黨氏之女同上

閔公

元年

而位以卿

謂將下軍史記晉世家集解

卜偃

卜偃晉掌卜大夫郭偃

遇屯之比

震下坎上屯坤下坎上比屯初九變之比

辛廖

辛廖晉大夫

並同上

二年

夏吉禘于莊公

禘名遞也審遞昭穆遷主遞位孫居王父之處

禮記

王制正義王肅論引賈逵

逸禮云皆升合於祖

同上引賈逵鄭衆馬融等

夫人姜氏孫于邾

文姜殺夫罪重故去姜氏哀姜殺子罪輕故不去

姜氏

正義引賈服

狄入衛

不與夷狄得志於中國

詩邶風定之方中正義

奪卜齮田

卜齮魯大夫

史記魯世家集解

賊公子武闈

宮中之門謂之闈

間于兩社

兩社周社亳社也兩社之間朝廷執政之臣所在
並同上

晉侯使太子申生伐東山臯落氏

東山赤狄別種史記晉世家集解

里克

里克晉卿里季也

君與國政之所圖也

國政正卿也

教之以軍旅

將下軍並同上

僖公

元年

齊師宋師曹伯次于聶北救邢

襄二十三年叔孫豹救晉次于雍榆二事相反此

是君也進止自由彼是臣也先通君命正義引賈服

夫人氏之喪至自齊

殺子輕故但貶姜正義

春秋左傳句解

卷上

十六嬖嬖館補校

公賜季友汶陽之田及費

汶陽費魯二邑

史記魯世家集解

二年

城楚邱

楚邱衛地

史記齊世家集解

齊侯宋公江人黃人盟于貫

江黃稱人刺不度德善隣恃齊背楚終為楚所滅

正義

假道於虞以伐虢

虞在晉南號在虞南

史記晉世家集解

三年

春王正月不雨夏四月不雨

穀梁傳曰一時言不雨者閔雨也閔雨者有志乎

民者也六月雨雨云者喜雨也喜雨者有志乎民

者也文二年傳曰歷時而言不雨文不憂雨也不

憂雨者無志乎民也言僖有憂民之志故每時一

書文無憂民之志是以歷時總書

正義引云賈逵取以為說

蕩公

蕩搖也史記齊世家集解

四年

蔡瀆

民逃其上曰潰同上

許男新臣卒

不言于師者善會主加禮若卒于國正義

唯是風馬牛不相及也

風放也牝牡相誘曰風書費誓正義

五侯九伯

五等諸侯九州之伯周禮春官大宗伯疏引賈服

爾貢包茅不入王祭不供

包茅菁茅包匭之也以供祭祀史記齊世家集解

死王事加二等於是有所以袞斂

死王事謂朝天子以命用師袞斂上公九命服袞

也太平御覽卷五百五十六

五年

公既視朔遂登觀臺望而書禮也

若登臺而不視朔則書時不書月若視朔而不登

臺則書月若雖無事視朔登臺則空書時月禮記中書

正義靈臺在太廟明堂之中詩大雅靈臺正義引賈逵服虔

虢仲虢叔

虢仲封東虢制是也虢叔封西虢虢公是也正義

均服振振

均同也周禮春官雞人疏引賈服杜君等

六年

晉侯使賈華伐屈

賈華晉右行大夫史記晉世家集解

元年

里克邳鄭欲納文公故以三公子之徒作亂依注不當作邳

邳鄭晉大夫三公子申生重耳夷吾史記晉世家集解

十年

周公忌父

周卿士同上

夷吾無禮

烝於獻公夫人賈君故曰無禮正義

癸於韓據注倣當作癸

春秋左傳句解

史記晉世家集解

卷二十一

十有二年

若節春秋

節時也

史記周本紀集解

舅氏

舅氏言伯舅之使也

十有三年

自雍及絳相繼

雍秦國都絳晉國都也

史記秦本紀集解

十有五年

饋七牢焉

諸侯雍饋七牢牛一羊一豕一為一牢也同上

十有六年

隕石于宋五五月六鷓退飛過宋都

陸德明釋文鷓本或作鷓史記

集解引賈逵亦作鷓

石山岳之物齊大岳之角而五石隕宋象齊桓卒

而五公子作亂宋將得諸侯而治五公子鷓退不

成之象後六年霸業退也鷓水鳥陽中之陰象君

臣之訟闕也穀梁傳疏

六鷁退飛過宋都風也

風起于遠至宋都高而疾故鷁逢風卻退史記宋世家集解

十有七年

宋華子生公子雍

宋華子之女子姓史記齊世家集解

雍巫有寵於衛共姬

雍巫雍人名巫易牙也史記齊世家張守節正義索隱云賈逵以雍巫為

易牙字

十有九年

乃溝公宮

溝塹也史記晉世家集解

二十年

春新作南門

言新有故在言作有新在正義引劉賈先儒

滑人叛鄭而服于衛

滑姬姓之國史記周本紀集解

二十有三年

出于五鹿

五鹿衛地

史記晉世家集解

其辟君三舍

司馬法從遯不過三舍三舍九十里也

二十有四年

朝于武宮

文公之祖武公廟也

以縣上為之田

縣上晉地

且旌善人

旌表也並同上

王使伯服游孫伯如鄭

二子周大夫史記周本紀集解

又怨襄王之與衛滑也

滑小國近鄭世世服從而更違叛鄭師伐之聽命

一後自愬于王王以與衛同上

昔周公弔二叔之不咸故封建親戚以藩屏周

二叔為管叔蔡叔傷其不和睦而流言作亂故封

建親戚正義引鄭眾賈逵詩小雅常棣序正義引鄭賈注以二叔為管蔡

召穆公思周德之不類故糾合諸侯于成周

遷抑黜之民於成周分衛民為三國書康誥正義

二十有六年

凡師能左右之曰以

晉人執季孫以歸劉子單子以王猛居于皇尹氏

毛伯以王子朝奔楚諸稱以皆小以大下以上非

其宜也正義引劉賈逵許

二十有七年

讓于欒枝

欒枝欒賓之孫史記晉世家集解

二十有八年

戰于城濮

城濮衛地史記晉世家集解

楚殺其大夫得臣

不書氏陋文九年正義

盟于踐土

踐土鄭地名在河內史記周本紀集解

天王狩于河陽

河陽晉之温也同上 鄭道元水經注卷五引服虔賈逵云河陽温也

子玉使宛春告於晉師

宛春楚大夫史記晉世家集解

王命尹氏及王子虎

王子虎周大夫

賜之大輅之服

大輅金輅

彤弓一彤矢百旅弓矢千

彤弓赤旅弓黑也諸侯賜弓矢然後征伐

秬鬯一卣珪瓚

秬黑黍鬯香酒也所以降神卣器名諸侯賜珪瓚

然後爲鬯

虎賁三百人

天子之卒曰虎賁

再拜稽首

稽首首至地並同上

春秋左傳傳解詁 卷上

二十有九年

介葛盧聞牛鳴曰是生三犧皆用之矣

言入律之音聽禽獸之名則知其嗜慾死可知伯

益明是術故堯舜使掌朕虞至周失其道官又在

四夷

周禮秋官夷隸疏 詩秦風 車鄰正義引伯益曉是術句

三十年

東門襄仲將聘于周遂初聘于晉

先聘晉後聘周

正義引 賈服

三十有一年

猶三望

三望分野之星國之山川

穀梁傳疏 正義 禮春官大宗伯疏

三十有三年

遽興姜戎子墨衰絰

墨變凶

史記晉世家 家集解

不以纍臣繫鼓

殺而以血塗鼓謂之繫鼓

詩小雅湛 露正義

文公

元年

春秋左傳傳古

卷之二十一

五 鄒 環 館 補 交

楚國之舉

舉之也 史記楚世家集解

既又欲立王子職

職商臣庶弟也 同上

二年

勇則害上不登于明堂

祖廟與明堂為一 正義引左氏舊說及賈逵盧植蔡邕服虔等

作僖公主書不時也

凡君薨祔而作主三年終禘遭烝嘗則行祭禮 周禮

春官鬯人疏引賈服

三年

凡民逃其上 曰潰

舉國曰潰一邑曰叛 正義 逃例鄭詹逃歸 正義云釋例謂賈氏

復以入例

封殽尸而還

封識之 史記秦本紀集解

五年

王使榮叔歸含且贈

春秋左傳句解 卷上 三十二卷二十七 王姬嬖館補校

含贈當異人今一人兼兩使故書且以譏之正義引賈

服
晉趙成子欒貞子霍伯曰季皆卒

欒貞子欒枝也霍伯先且居也史記晉世家集解

其子何震之有

震威也同上

七年

正德利用厚生

正德人德利用地德厚生天德周禮春官冢人疏引賈服

九年

晉人殺其大夫殺及箕鄭父

箕鄭稱及也正義

十年

楚殺其大夫宜申

不書氏陋文九年正義

十有一年

夏叔仲彭生會晉郤缺于承匡

叔仲惠伯史記晉世家集解

春秋左傳解詁

卷九

二十七 鄭原宿補

埋其首于子駒之門

子駒魯郭門各

獲長狄緣斯

喬如之祖並同上 依史 記注 橋作喬

皇父之二子死焉

皇父與穀甥牛父三子皆死正義

齊王子城父獲其弟榮如

王子城父齊衣夫史記齊世家集解

十有三年

大室屋壞

大廟之室也正義引左氏 師賈服等

十有七年

以歲陳事

歲勑也正義引 賈服

十有八年

莒弑其君庶其

君惡及國朝則稱國以弑君惡及國人則稱人以

弑正義引劉 賈許頴

而使歎僕

僕御也 史記齊世家集解

在九刑不忘

正刑一加以入議 周禮秋官司刑疏引賈服

謂之八愷

愷和也 史記五帝本紀集解

謂之八元

元善也

昔帝鴻氏有不才子

帝鴻黃帝也不才子其苗裔謹兜也

謂之檇杻

檇杻頑凶無疇匹之貌謂鯀也

縉雲氏有不才子

縉雲氏姜姓也炎帝之苗裔當黃帝時在縉雲之

官也 並同上

謂之饗饗

貪財為饗貪食為饗 正義引賈服

投諸四裔以禦魑魅

四夷之地去王城四千里史記五帝本紀集解魑山神獸形

或曰如虎而噉虎或曰魅人面獸身而四足好惑

人山林異氣所生為人害周禮春官凡以神仕神者疏引賈服

遂出武穆之旅史記穆作繆

出逐也史記宋世家集解

宣公

二年

文馬百駟

文狸文也史記宋世家集解

見叔牂日子之馬然也對曰非馬也其人也既合而
來奔

叔牂宋守門大夫華元既見叔牂牂謂華元日子

見獲於鄭者是由子之馬使然也華元對曰非馬

自奔也其人爲之也謂羊斟驅入鄭也奔走也言

宋人贖我之事既和合而我即來奔耳正義

于思于思

白頭貌正義釋文

厚斂以彫牆

彫畫也史記晉世家集解

使鉏麇賊之

鉏麇勇士同上

二年

定王使王孫滿勞楚子

王孫滿周大夫也史記周本紀集解

鑄鼎象物

象所圖物著之於鼎史記楚世家集解

識祀六百

載辭也祀年也商曰祀同上

初鄭文公有賤妾曰燕姑

姑南燕姓史記鄭世家集解

夢天與之蘭

蘭香草也

曰余為伯儵余爾祖也

伯儵南燕祖並同上

四年

公子宋與子家將見

二子鄭卿也

史記鄭世家集解

凡弑君稱君君無道也

君惡及國朝則稱國以弑君惡及國人則稱人以

弑

正義引劉賈許類

七年

凡師出與謀曰友

經諸及字為義

正義引劉賈許類

十有一年

納公孫寧儀行父于陳

二子不繫之陳絕於陳也惡其與君淫故絕之善

一楚有禮也

義納者內難之辭同上

申叔時使于齊

叔時楚大夫

史記陳世家集解

十有二年

卜臨于大宮且巷出車吉

臨哭也巷出車陳于巷街示雖困不降必欲戰也

太平御覽卷四百八十

守墀者皆哭

埤城也同上

入自皇門

皇門鄭城門也史記鄭世家集解 太平御覽卷四百八十

鄭伯肉袒牽羊以逆

肉袒牽羊示服為臣僕也史記鄭世家集解

孤不天

不為天所祐也太平御覽卷四百八十

潘之入盟子良出質

潘尫楚大夫師叔字也子良鄭公子同上

叔展曰有麥鞠乎曰無有山鞠窮乎曰無

麥麴鞠窮所以禦濕正義

十有五年

伯宗曰不可

伯宗晉大夫史記晉世家集解

十有八年

邾人戕郈子于郈

邾使大夫往戕賊之正義

成公

二年

取龍遂南侵及巢丘

殺盧蒲就魁不與齊盟以亡其邑故諱不書耳正義

請八百乘許之

八百乘六萬人史記齊世家集解

師至於靡笄之下

靡笄山名也

逢丑父為右

齊大夫

擊馬陘

馬陘齊地也世同馬陵一作馬陘于欽齊乘卷二

必以蕭同叔子為質

蕭附庸子姓史記齊世家集解

晉人使為邢大夫

邢晉邑史記晉世家集解

三年

鄭伐許

鄭小國與大國爭諸侯仍伐許不稱將帥夷狄之

刺無知也

正義

傳晉作六軍

初作六軍僭王也

史記晉世家集解

八年

天子使召伯來賜公命

諸夏稱天王畿內曰王夷狄曰天子王使榮成叔歸含且賵以恩深加禮妾母恩同畿內故稱王成公八年乃得賜命與夷狄同故稱天子

正義

武從姬氏畜于公宮

姬氏成公之女

正義引賈服先儒

九年

南冠而縶者

南冠者楚冠也

太平御覽卷六百八十五

居育之上膏之下

育鬲也心下為膏

正義

膏雖凝者為脂釋者為膏其實凝者亦曰膏故內則云小切狼膍膏

正義引賈服何休諸儒

十有一年

吾不以妾為媼

兄弟之妻相謂為媼正義引賈逵鄭元

十有三年

夏五月公自京師遂會晉侯齊侯宋公衛侯鄭伯曹伯邠人滕人伐秦

宋公衛侯譏其不稱子禮記曲禮下正義引賈服注

晉侯使呂相絕秦

呂相晉大夫史記晉世家集解

十有五年

晉三郤害伯宗

三郤郤錡郤欒郤至史記晉世家集解

十有六年

晉人執季孫行父舍之于菴丘

書執行父舍于菴丘言失其所不書至者刺晉聽

讒執之示已無罪也正義

塞井夷竈

塞填也滿也顧野王玉篇

有秣韋之跗注

一 染曰鞮正義跗謂足跗注屬也袴而屬於跗周禮春官

典命疏引賈服

十有七年

九月辛丑用郊

公羊傳曰用者何不宜用也非所用郊也穀梁傳

曰夏之始可以承春以秋之末承春之始蓋不可

矣九月用郊者不宜用也正義云賈逵以二傳為說諸言用皆

不宜用反於禮者也釋例引劉賈正義同

公遊于匠驪氏今本作麗依史記注引賈逵作驪

匠驪氏晉外嬖大夫在翼者史記晉世家集解

十有八年

諸侯納之曰歸

諸侯歸國稱所自之國所自之國有力也正義稱納

者內難之辭同納北燕伯于陽時陽守距難故稱

納同上

以惡日復入

雖夫人姜氏之入皆以為例同上

卷之三十九

三十三卷三十九



